



21632

III

Mag. St. Dr.

P.

Lobinski.


Coloniae Mex.

Pierzanowski Stanisław for: Oriens Byzan-
tinus in Austria et Sannonia trium-
phatus —

PANEG. et VITAE

Polon. Fol.

№ 1266.



Biblioteka Jagiellońska



stdr0002801

O R I E N S

B Y Z A N T I N V S,

in Austria, & Pannonia

TRIUMPHATUS,
SERENISSIMO, & INVICTISSIMO
P R I N C I P I,

J O A N N I I I I.

DEI Gratiâ,

REGI POLONIARVM,

Magno DVCI Lithuaniae,

Russiae, Prussiae, Mazouiae, Samogitiae, Li-

uoniae, Smolensciae, Kiiouiae, Volhyniae,

Podoliae, Podlachiae, Czerniechouiaeq; &c. &c.

Pannonico, Scythico, Otthomannico,

VICTORI, & TRIUMPHATORI,

ob res, pro Orbe Christiano,

fortiter, & feliciter gestas,

augustissimi magnificentiae triumpho,

in Trophaeum immortale,

A

M. STANISLAO JOSEPHO BIEZANOWSKI, Leopoli:

in Alma Vniuersitate Cracouiensi,

Philosophiae Doctore, Collega Minore, Ordinario Poeseos Professore,

Opere Panegyrico

E R E C T V S.

Anno Salutis, M. DC. LXXXIII.

CRACOVIAE, Typis VNIVERSITATIS.



*Vicisti Geticas acies, fortissime Regum;
 Iamq; Tuo clarum Marte, triumphat opus.
 Sub CLYPEO, res tota Tuo feliciter acta;
 Austria, nè caderes, hic Tibi murus erat.
 Amplius Odrysium, gens Lechica vincat ut hostem;
 Et victo palmas ex Oriente ferat;
 Spes bona. qui Regem fecit vici e IOANNEM,
 Vincet in hoc SCUTO, barbarica castra DEVS.*

SERENISSIME, & INVICTISSIME
R E X,
VICTOR & TRIUMPHATOR
GLORIOSISSIME,
DOMINE, DOMINE CLEMENTISSIME.



Triumphale in publica lætitia
carmen, Victori Gradiuo Tuo, quæ ce-
cinit; Regiæ beneficentiæ Tuæ Alumna
Clio mea, formidandi operis Maiesta-
ti succumbens; ad Augustissimæ Pur-
puræ Tuæ fimbriam, vnâ mecum procumbit. Gran-
de illi negotium fueras, rerum gestarû immensitate
quadam, & propè inaudito excessu; sed quid age-
ret, in tanto publicæ voluptatis delicio, & inter tot
Christiani Orbis hilaria? vbi gaudiorum violentia
dulcis, & mellita tyrannis, manus silentio iniiciens;
etiam cor, & viscera rumpit. Canere de Te, ô REX!
ingeniorum nonnisi Regibus, & purpurato ebori
licet; si tamen ad Victoriâ quoq; Tuam pertinet,
maiestate operum Tuorû, etiam summa ingenia vin-
ci: reo quidem ausus maximi, quod augustissimi palu-
damenti Tui oram, plectro tetigerim; malo tamen
inter captiuos Tuos duci, vinciriq; magnitudine glo-
riæ Tuæ; quàm obrutæ silentio gratiæ conuinci. Ve-
nisti ad angustias carminis mei, ô Regû bellicosissi-
me! dum Te numeri mei coarctant; quem Orbis
Vniuersus non capit, quem sola immortalitas exæ-
quat; verum Tu excessisti numeros omnes, compre-
hendiq; carmine non potes; qui Orientem vnâ ma-
nu, alterâ Occidentem prehendis; non ambitu po-
tentia, sed complexu virtutis. Quid enim vspiciâ Tri-
umpho Tuo par, & in rebus humanis augustius? cûm

viceris propè in punèto, tot seculorum negotium,
an prodigium? triumphato in Austria, & Pannonia
Oriente: cuius barbara vota mensuram omnem ex-
cesserant; hausta tandem immani hiatu suo, & puden-
do dedecore sepulta; cum à pugnacissima dextera
Tua, non vno pollice amisso; tantus ille ingemuit,
& siluit Gigas. Apparatu ille maximo hoc egerat; vt
ad SCUTUM Tuum allisus, maiori fragore caderet;
noscereturq; ex fragmentis suis, quàm portentosus
fuerit; nec Te Orbi exhiberet, nisi in tanto opere
visendum; triumphareq; non solitum, nisi ex omniũ
Victore; qui supra omnes Regum coronas elatus, Re-
gia manu Tua cecidit infra omnes. Cum ergo Bella-
torum fortissimus in acie, propè ad stuporem fueris;
vt sis Regum Augustissimus in triumpho; splendor
illi & magnificentia, vsq; ad Orbis attoniti excessum
debetur: non scribentium, canentiumuè de Te, tota
sui euisceratione; sed ex Te ipso maxime, qui pur-
pura dicentium es; totaq; triumphi Tui, & calami
eruditi Maiestas; tota, & vnica scribentium gemma.
Quod si & gemma, & medulla cordium, & amor v-
biq; maximus es; Regiam certè Vniuersitatem Tuã,
in exprimendis ex desideratissimo aduentu Tuo deli-
cijs suis, etiam verborum gemmæ deficiunt: ne ta-
men vacua, coram Principe suo appareat; vmbra
gestorum Tuorum, à Vate Tuo, sine lumine visus ex-
pressam; tersissimæ cordis Tui pupillæ, & luci publi-
cæ sistit. altoq; gemitu Regum Regi vnâ mecum sup-
plicat; vt Triumphum hunc Tuum, faustũ bono pu-
blico, & perennem esse velit: vt victrices coronas Tu-
as, non interrupto Victoriarũ nexu adaugeat; vt de-
niq; Augustum Sanguinem Tuum, continua serie, in
Throno Lechico, iubeat esse coronatum.

Ita precatur, & vouet,

SERENISSIMÆ, & INVICTISSIMÆ MAIESTATIS TUÆ,

Fidelis subditus, & seruus humillimus,

M. STANISLAUS IOSEPHVS BIEŻANOWSKI,

Philosophiæ Doctor, Collega Minor, Ordinarius Poëseos Professor.

O R I E N S
B Y Z A N T I N V S,
in Austria, & Pannonia
T R I U M P H A T U S.

Immanes Asiæ vires, roburq; stupendum
Barbarici fastus, motas Orienteque toto
Bistonias acies, & sæui classica Ponti,
Martis inaudito Lechici deuicta triumpho,
Orbis prodigio canimus. nam secula poscunt
Hoc opus augustum, quo non augustius vllum,
Sarmatica virtute stetit; dùm Bosphorus vno,
Thrax, Bessusque gemens, & ab Indis vltimus axis,
Concidit in puncto; rubuitque Propontis in Istro,
Dedecus hæu confessa suum, cladesque pudendas!
Sed caret exemplo res hæc, totamque videtur
Excessisse fidem; non suffecturus in æuum,
Quam tentat Vatis genius; formidine iusta
Quam tremulum detrectat ebur: Tu victor ab alto,
Vincere qui dederas, ne rerum pondere vincar,
Tu vis tota mihi, Tu spiritus entheus esto.
Helluo Regnorum, diductis faucibus ingens
Bellua, portentumq; graui sub mole laborans,
Orbis prædo, Gigasq; triplex, & sæua Charybdis
Absorpti rictu valido, dudumque gementis
Imperii, trabæ quo purpura fulsit Eoæ,
Biston atrox, iurata sitis, nostrique cruoris
Tot iam diluviis, necdum satiata vorago,
Opportuna suo captans momenta furori,
Bustaue vespillo, sitiensque cadauera vultur;
Postquam res Lechiæ, per tot dispendia fractas

Roxolano iunctus sceleri, turbaque rebeli,
Prædatrice manu, contra fas omne tulisset;
Podoliæ lætus, Camenecique ruinis,
Luxurians animo, tantamque effusus in offam;
Perq; Boristhenicas gentes, vicinaque Ponto
Æquora terrarum, spumans victricibus armis;
Orbem Christiadûm spe tota, viscere toto
Ambituq; petens; quicquid superesset in vnam
Cedat vt ingluuiem, voto decreuit iniquo,
Byzanti solio, furias, oestrumq; locutus;
Nec iam ferre valens, nec iam capiensq; seipsum,
Distentusq; truci rabie. quid parcimus? inquit,
Gentibus exosis. cur ius non omne per Orbem,
Otthomannus habet vertex? cû maxima rerum
Portio concessit, veterisq; potentia Romæ,
Parsq; triplex mundi, surgens cum sole, cadensq;.
Infima Christiadûm, tantumne mapalia possunt?
Angustæ, vilesq; animæ; quas clausit in arcto,
Sordidus Europæ carcer, terræque pugillus;
Nesciat vt Rhodopën nostram, nec culmen adoret,
Tot formidatum populis, tot fascibus auctum,
Gens despecta mihi, trabæ vix fimbria nostræ?
Si Lybicos, Maurosq; sinus, si Persidos oras,
Euphratem, Gangemq; licet, Nilumq; Tygrimq;
Ponè sequi, totoq; mari Neptunia Regna
Imperiis frenare meis? superesse quis eheu
Reliquias Orbis, tantillaq; regna, quieto
Pectore sustineat? paucos cum Cælare Reges
Quis ferat? occiduumq; genu, quod supplice cultu,
Tarpeios potius colles, exesaq; Romæ
Nomina suspiciat, trabeam contemnat Eoam,
Nec mea sceptrorum curet fastigia, nec me.
Quin ruit infamis populi, Sacrisque Scelestis
Polluti, toties lassatus cædibus ensis,

Perniciem

Perniciem cunctis, extremaq; fata daturus.
 Sic lubet, & magno sic iam Machomete volente,
 Sanguineo decreta stylo, sententia lata est,
 Natio dispereat I E S V. Vezyrius inde,
 Fax belli, fomes Scelerum, tantiq; minister
 Consilii, funesta probans oracula, totus
 Cæsaris ad nutum, Stygiis afflatibus vrget
 Acrius immanes furias; sulfurq; nefastis
 Ignibus affundens, fouet impia vota Tyranni,
 Trux animo, fame sitiens, & nominis alti;
 Iamq; triumphatum reputans, actumq; quod optat,
 Christiadum gentes vna ceruice peremptas,
 Et vinctos post terga Duces, cum somniat. ecce
 Pannonicum postquam latè succenderat Orbem,
 Æthnæas iaculata faces, Vulcanaq; passim
 Flamina succendens, crinitaq; lontibus hydris,
 Impia Tisiphone, Thracum se finibus infert;
 Iamq; Palatinas ædes, Capitolia sæua,
 Cæsaris Augustal dirum tristissima tecta
 Crudelis solii, feralis larua subintrans;
 Omnia Cocyti funalibus vrit, & intus
 Musulmana coquit lethæis viscera tædis.
 Maxima Vezyro, sed vis est subdita flammæ,
 Cyclopumq; focis, Sicania tota, sub vno
 Clausa sinu, visa est sæuis erumpere fibris,
 Dum monstrum furiale, trucem sic inquit ad aurem.
 Tolle moras, arma populos, distringe Graduum;
 Hoc age cordatus, quod magna mente reuoluis.
 Classica rauca sonent, gentes à cardine motas
 Ocyus & vires, ignotaq; nomina coge,
 Ad tanti curas operis. victricibus armis
 Crede mihi, gens ista cadet; gemet Albis, & Ister,
 Atq; Alemannus apex, Latinq; infirma potestas,
 Et quicquid Romana colit delubra, mitrasque
 Ad tua casuras subsellia. spebus ab altis

Plena triumphorum te poscit gloria; quando
Inuitat validos ausus, occasio rerum
Ipsa gerendarum. me sic urgente, videsne
Austriacos fasces, & spretæ iussa Viennæ,
Hunnius ut excutiens, iam per tot bella fatigat
Cæsareas Aquilas; animis hostilibus instans,
Misceat ut rabidis Alemannica regna procellis;
Ritibus hæc aduersa suis quod nôrit, & altum
Oderit, extremamq; pati magis optet Erinnyem;
Austriaco subducta iugo quam subdere colla.

Hunc ego Pannonicas acies, vrbesq; virosq;,
Et coniuratum quicquid formidat in armis
Austria, Bistonio faciam submittere scepro.
Tu basis, & cardo rerum, tu Consus, & Atlas,
Ingentis belli; sed tu quoque Victor, & Orbis
Christiadum suprema dies. sic fata, superbam
Auxit in immensum rabiem, vesanaque corda
In Liparam vertit; cœu cum Vulcanius ardor,
Corripit Hercinii nemoris densissima late
Robora, Syluanumq; domos, Satyrosque fugaces,
Ignibus exurens validis, flammaque voraci
Arboreas populatur opes; & flamine passim
Sæuit inextincto; dum tristibus omnia bustis
Exæquet, cinerumq; siru squalente recondat.

Sic Oriens arsit. sed non minor ignis ad Austrum,

*Origo belli in
Pannonia, &
Austria Or-
thomani.*

Per coniuratas acies, atque Hunnica Castra
Motibus hæreticis creuit. vis illa rebellis,
Per varias agitata vices, succensa remotæ
Proh dolor instinctu trabæ; technisque dolosis,
Æreque non modico, tandem se foedere spurco
Polluit; & scelerum veniens ad inane profundi,
Impia Threicio submisit colla tyranno.
Prò superi! quam dulce nefas, quam perdita spes est
Mentibus emotis! quamuis res maxima fundo

Vellit

Vellitur; in præceps quamuis dùm cuncta feruntur,
Lucidus ymbroso se misceat axis Auerno;
Omnia confundi præstat, vastoque perire
Excidio, totoque rapi iam pondere; quàm non
Vincere vecordes animos, præfractaque colla
Obtentu fidei; sibi quam cortina malorum
Prætendit; vacuumq; gerens sine Numine pectus,
Mentitis zelare sacris, pro numine vero
Hèu falso simulat! dùm iungit Pelion Ossæ,
Cælitus emotura Iouem, Titania pubes.

Sic cecidit prætensa fides, sub nube malorum
Arcana latitans. sic Zrini, Frangepanique,
Nadazdique suo cecidit miserabile casu,
Orbis spectaclum; donec res tota, fidesque
Funditus euerſa est; vice dùm successit iniqua
Thrax Machometanus, sæuus pro Cæsare Biston.
Hoc egère diù, mox perfecere rebelles
Principe Tekelio; qui claro sanguine cretus,
Diues opum, bellaxque animo, florensque iuventâ,
Ausibus immodicis suppar; dum totus adhæret
Partibus hæreticis, funestæ prælia scenæ,
Sacrilegamque manum, magnis conatibus vrgens,
Pannonas Aemoniis fecit seruire lupatis.

Ergò Byzanti postquam res sede peracta est,
Thracius imploratus apex; pactumque nefandi
Foederis, instinctu Stygio, nisuque pudendo,
Conclusum cecinere tubæ. Mars totus in armis
Danubio vicinus adest; quem Bosphorus, & quem
Pannoniæ iunxere plagæ. Cassovia grandi
Cingitur obsidio, mox cedit viribus impar,
Tekeliosque ausus, successibus vndique latis
Prima beat. munita dein loca Marte propinquo
In sortem cessere parem, velut icta trifulco
Fulmine, Christiadum gemitu, summoque dolore.

B

Præcun-

*Emerico Tekelio
rebellium in
Vngaria Dux.*

*Turcarum Im-
peratoris auxi-
lia poscit.*

*Obsidet Casso-
viam, & ca-
pit.*

*Castella, & mu-
nitiones alias
recipit.*

Præ cunctis, quibus hêu ! Regum celsissimus, & Mars
 Ipse triumphator, Lechici pupilla IOANNES
 Indoluit sceptri, tanta impendente ruina ;
 Sollicitus Magno pro Cæsare, proque tot ehêu
 Gentibus electis ! quas intima viscera claudunt
 Europæ, hostilisque sibi quas destinat ensis.
 Hic ingens animi Princeps, sensuque profundus,
 Altius vt tantos licuit discernere casus,
 Atque secuturam rerum faciem, sine fine,
 Mensuraque mali ; statuit cordatus Achilles
 In rem Christiadûm fieri ; spiramine toto
 Prodigat extremam donec cum sanguine guttam.
 Interea Mauors Geticus, qui iunxerat Hebrum
 Danubio; tantumque manu fecisse potenti,
 Pannonas, & Thracas, coniunctis viderat armis ;
 Lætus, & Hunniacis anno vergente ruinis,
 Spes audas, bellicue sitim feruentius vrgens,
 Mille calet facibus ; tollit fortuna suapte
 Extremo fastu tumidum, totoque calentem
 Ad noua Vesuuio, coeptæ molimina causæ.
 Fascibus Æmoniis spondens, cum Cæsare quicquid
 Austria, Germanæque Oræ, diffusaque latè
 Regna tenent, nec spem definit & vltima Calpe.
 Armantur populi, bellorum detonat ingens
 Toto Oriente fragor. Gentes à Finibus Orbis
 Mille tubis vox vna ciet ; procusaque ferro
 Secula, per Siculas incudes, mille per ictus,
 Centimanusque Sterops, & Mulciber ipse laborat.
 Quicquid Arabs, Lydusque colit, Tyriusque, Cilixq;
 Quicquid Erythræum littus, Phariæque Canopi,
 Et Lybicas arces, Cancri Tropicumque calentis
 Accolit, & Mauro quicquid torquetur ab æstu :
 Armenias vrbes Asiæ lætissima Tempe,
 Argiuosque lares, & Graiûm Cycladas, & quod
 Helle-

Apparatus in-
 gens belli in
 Oriente.

Hellespontiacam Thetidem Pontumque fatigat,
 Strymona, Threiciumque bibit de rupibus Hebrum,
 Mœticaque Getas quicquid concludit arena,
 Vicinosque Hunnis Dacas, volucresque Gelonos,
 Odrysi iussu solii, quâ Bosphorus instat
 Confluit ad tanti iurata negotia Martis,
 Terrarum gemitu, Pelagiq; frementibus vndis.
 Vincula Neptuno, cœu cum Mars Persicus olim,
 Immanesque minas terris, & castra stupenda,
 Inferret Marathoni acis in prælia campis,
 Siccaretque vndas, & rictu flumina vasto,
 Hellados ad cladem. donec cordatior illo
 Vis Argiua, trucem deduxit ad vltima fastum,
 Ingentem numero, modica virtute triumphans.
 Æolias hyemes sic impendisse Gradiuo,
 Tot lustris voluit Thracum Rex Barbarus, cœu
 Christiadum clades agitans, bustumque perenne
 Tot simul & populis minitatus, & vrbibus; ipse
 Fabula mox Orbis, probrosaque scena futurus.
 Arma per Europam, sed nec minor excitat ardor,
 Cæsaris in partes. poscit res ardua, totas
 Bellonæ vires. Alemannica regna periclis
 Mille patent. Lechicumq; latus vicina perurunt
 Damna, per Hunniacos tantum surgentia motus.
 Austria prima gemit, strictos propè computat enses;
 Partibus Occiduis feruet res bellica passim;
 Hosti sed valido non suffectura, molestum
 Nunc sumit, nunc ponit opus; dum fluctuat lster,
 Carpathiasque sonat grandis formido per Alpes.

Maximus ipse Pater, Sacrorum gloria Princeps,
 In terris cæleste genus, mens ipsa Tonantis,
 Nominis Innocui Vaticanus Pastor, & Atlas,
 Romulæ speculæ summo de culmine rerum,
 Pro cunctis vigilans, animo dolet, excubat, instat,

*Orbis Christiani
 in debello con-
 tra Turcas cu-
 re sollicitæ.*

*Innocentius
 XI. Pont. Max
 Principes Chri-
 stianos, ad sa-
 crum foedus,
 armorum con-
 tra Turcas ex-
 citat.*

Viscera dilatat pietatis, & omnibus vnus
 Sufficit ad curas Orbis, Martemque propinquum,
 Grande penu, ditescque parans, ad prælia gazas.
 Ausonas, Hispanos, Gallos, ad vincula belli
 Germanos, Boios, Venetos, Heroaque magnæ
 Pectora Sarmatiæ, Rossique Boristhenis audax
 Clima, per Arctoas stimulis ardentibus oras,
 Ære mouetque sacro. longinqua palatia Regum,
 Augustosque lares, & quicquid Curia Princeps
 Vertice Christiadûm, Regali murice vestit,
 Obtestatur, amore trahit, suasuque paterno,
 Legatis passim Cyneæ suadentibus ore;
 Contra barbaricas acies, vt vincula nectant
 Electas animas, Heroica corda virorum.

Prima Monarcharum Europæ, AVGVSTISSIME CÆSAR

*Augustissimi
 Imperatoris
 Leopoldi ad
 bellum Ortho-
 mannicum ap-
 paratus.*

Maiestas LEOPOLDE Tibi, prout altiùs iuit,
 Tot pariter subnixa thronis, tot regna gubernans;
 Publica curarum tempestas, sic Tibi versat,
 Imperiale magis, pro tanto foedere pectus.
 Te pietas, zelusque sacer, purusque fidei
 Romanæ candor, semperque inimica tot hydrys
 Hæreticis virtus, etiam discrimine summo,
 Religionis opus, iubet immortalibus actis,
 Inuictaque tenere manu; Titania quamvis
 Machina bellorum, sæuo ruat vndique motu;
 Res, & causa Dei, satis est, si illæsa triumphet.
 Huc Germana cies in bellum robora CÆSAR,
 Hùc vicina tuo coniungis foedera Marti;
 Consiliis Regni, dùm prisca Senacula pandit
 REX Lechiæ, Regumq; salus, & vita IOANNES.
 Nempè coronatum caput hoc, sed mille coronis
 Altius, vt rerum sublimia concipit, atque
 Cautiùs assequitur; sic & prudentiùs ante
 Prouidet arcanis Regnorum; iamque coactis

*Serenissimus
 Ioannes III.
 Polonia Rex
 Comitia Var-
 saue indicit.*

Ordini-

Ordinibus Regni, de summa Principe rerum,
Et de Bistonidum deliberat hoste Gradiuo;
Splendida Cæsarei quò iam Legatio sceptri,
Austriacos sensus, & magni iura negoti,
Pectoris excelsi Legato Heroe ferebat.

*Legatus Cæsari
rui Leopoldi ad
Comitia Re-
gni in Poloni-
am venit.*

Ille graues curas, vimq; in commune timendam,

Nomine Cæsareo, dictis exponit amicis,
Principe Sarmatico coram, facieque Senatus.
Fulmen ut Odrysium, turba poscente rebeli,
Excidium lethale ferat, totique minetur
Imperio, Christiue sacram decernat in Orbe
Non superesse fidem, iuratus hic omnibus hostis:

Contra quem nisi iuncta manus consurgat, & unum

*Armorum uni-
onem contra
Turcas promo-
uet.*

Spiret inextinctus pro Christi nomine zelus;
Romanus succumbat apex, omnisque necesse est

Proh dolor! arctetur Geticis Europa catenis.

Res igitur quos una ligat, confoederet una
Mens quoq; bellandi, paribus quassanda periclis.

Si consanguinei fasces, trabeæque maritæ,
Hos toties iunxere thronos; ne sanguinis unum

Sorbeat immane, & fatis consumat iniquis,

Mars communis agat. sic Tu fortissime Regum

Annue; sic augusta Tuæ sententia mentis,

Et tecum statuatur, generosus in omnibus ardor

Ad lituos, contra funesta Propontidos arma,

Thermodoontiacasque minas, tonitruq; paratum

Cæsareis, Lechicisque Aquilis. exceperat alto

Cordis id arcano, quod iam decreuerat olim

Inuictus Lechiæ Princeps, fecitque secundis

Rem peragi votis. quæ iam molimine grandi,

Fecerat in Patriis Lechiæ succedere rostris,

Maximus Orator Latii, Sedisque Supremæ,

Et Palauicino magnus de sanguine Princeps;

Quem gemmis Ephesus mitratis, quem sua virtus,

C

Mille

*Opicinus Pala-
uicini Archie-
piscopus Ephe-
sinus Nuntius
Apostolicus, sa-
crum belli fœ-
dus contra Ot-
thomannos, se*

*liciter conclu-
dit.*

Mille coronauit zelo feruente Pyropis;
Foederis vt tanti signacula, gemmeus ipse
Firmaret, roseoque suæ gauderet in ostro,
Fructibus eximiis curæ; Germania postquam
Sarmaticis coniuncta stetit feliciter armis.
Nec latuit Rhodopen, Musulmanosque Gigantes,
Orbis Hyperborei fidus cum Cæsare nexus,
Tot licet occultas Sinonum, Danaumq; per artes,
Creditus abrumpi facilis; sed mucro dolosus,
Obryzo quamuis chalybem fecisset in auro,
Profuit hæud quidquam; nisi quod transisset ad ipsos,
Vsq; Laertiadas, præcordia dira reuelans.
Bosphorus inde furit, res conscia lancinat intus
Immanem genium. vires intendit, & Istri
Respicit ad ripas, quò iam Mars totus anhelat.
Vt campis cessere niues glacialibus; vtque
Belligeri venere dies; queis florida vernant
Arua per Hunniacos tractus. huc destinat omne
Robur, & insolita Castrorum mole tremendus,
Et grauis ipse sibi, toto ruit impete Biston,
Monstra cateruarum, portentosaque phalanges,
Armorum pondusq; trahens; quod nescit vllam
Mensuram, seriemq; sui; ditissima postquam
Hausit inexhausto tumor hic araria sumptu;
Vellere qui fundo voluit cum gentibus Orbem.
Ipse minax Asiæ terror, fatalis ad Ortum
Regnorum Scopulus, trabeæ raptorq; Pelasgæ,
Imperii Thracum Byzanti sede relicta,
Finitimis metuendus adest. vis maxima circum
Voluitur armati populi. mirata seipsam
Ferreæ grando sonat. nubes densantur, & instant,
Nubibus alternis, glomeratque procella procellam;
Augmentis tandemque suis Exercitus ingens,
Prodigiale malum Germanis imminet Oris.

*Turcarum Im-
perator cum
Exercitu ad fi-
nes Pannoniæ
consistit.*

Iude

Unde triumphorum iam spes, & turgida vota,
 Despectæque vices bellorum, Christiadûmque
 Conclamata salus; Reges cum Cæsare victi,
 Totaque momento fatorum scena peracta;
 Arcanos Cæli sensus, ex mente Getarum,
 Hêu nimium stolido, sic disponente Tyranno!
 Vezyro dùm iussa daret Mauortia, spebus
 Immodicis, animoq; tumens. huc venimus inquit,
 Fascibus Occiduis, quos parvæ claustra Viennæ,
 Infami cauea retinent, seruire daturi
 Nomen, & imperii frenum; nè Principe quidquam
 Celsius Amonio, terrarum sceptrâ gubernet.
 Tu mens propositi, tu portio maxima nostri,
 Consiliis agitata tuis, quæ cœpimus arma,
 Arma tot ex populis, & tantis viribus aucta,
 Fac tanta virtute regas, & robore tanto;
 Quo mihi iam per te, tot successêre triumphî.
 Maximus hic restat; quo nî mea sceptrâ coronas;
 Tu fracta ceruice lues, spectante quod Orbe
 Motibus immensis agimus. vox Cæsaris, alto
 Finit ut Solio, tanti mandata Gradiui:
 Vezyro ius omne datum. mouet ille stupendas
 Cum castris. acies. victricia cogitat, vrget
 Cæsaris Imperium, positoque in cardine tanto
 Exequitur iussus. iam Thracia classica latè
 Pannonicis sonuère plagis. iam pontibus Ister
 Ingemuit, iam colla dedit calcata Tybiscus.
 Ignoto quæsitâ solo, iam bellua aphelat
 Millenis onerata iugis, rictuque per auras
 Insolito graue pondus agit. stupor omniâ complet,
 Percussitque cadit, dubiæ spes tota salutis.
 Austria sed tantis quamuis terroribus iecta,
 Magnanimos ausus, sacræque negotia causæ,
 Non ideo languente metu, curaque relinquit;

Magni Vezy-
 rus cum in ge-
 ribus Turcarum
 copiis versus
 Austria mouet

Cæsarum iussu Castra

*Carolus Dux
Lotharingie,
Cæsarei Exer-
citus Dux Ge-
neralissimus,
hosti occurrit*

*Exercitus Cæ-
sareus benedi-
citur, & gra-
tiis Apostolicis
donatur.*

Castra sed oppositis, ducens in prælia Castris,
Cælareas acies, Germanaque robora lectis
Explicat agminibus belli cordatus Achilles,
Austriaca pro parte vices, regimenque supremum,
Dux Lotharingus habet. nimirum grandibus ille
Emensus dudum meritis, tot lustra, tot annos
Inuictus, constansque animo, cautusque tot actis
Nouerat Odrysi Martis, geniumque modumque;
Militiæ carus, bellis nutritus, & inde
Augustis dignus thalamis, pro Cæsare Ductor.
Ille Getas contra pugnax, & sæpè cruentis
Decutiens galeis, cristas Orientis ad Istrum;
Nunc quoque fulminei spirans incendia cordis,
Acer in hostiles cuneos, & Thracibus ibat
In scopulum; non Marte pari, nec viribus æquis;
Sed non confusæ virtutis robore summo.
Iamque Equitum validæ, postquam peditumque cohortes,
Armorumque graues, tormentorumque lacerti,
Totaque castrorum series instructa stetisset:
Numen ut æternum, Sacris cum supplice voto
Ritibus implorasse datum. cælesteque pignus
Bellaces animas, per nutrimenta salutis
Diuina firmavit ope, concessaque cunctis
Pro Cruce, proque fide pugnantibus omnis ab alto
Spes veniæ; benedicta manus quam Præfule magno,
Romana de sede tulit. felicibus inde
Auspiciis motum; quò Bistonas Hunnica tellus,
Senferat instantes acie, Castrisque propinquos.
Hic varia primum fortuna sæpius actum,
Successere vices dubiæ, pontesque negati,
Infessæque viæ. conflictibus undique iustis
Prælusum, spatiumque datum terroribus ingens:
Turca ferox donec tota compage stupendi
Agminis, insolitas per tot campestria turmas
Funderet, innumeris legionibus Orbe coactis.

Ac velut

Ac velut Oceani quoties immania surgunt
 Flamina ventorum, Borea certante, Notoque,
 Emotis fundo, rursusq; cadentibus undis,
 Sæua procellosi vis turbinis omnia miscet;
 Nereidumq; domos, præruptaq; littora vincens,
 Tempestate graui campos absorbet, & vrbes.
 Haud aliter Geticus toto velut impete Mauors
 Incubuit, fuditque suas in prælia vires,
 Fluctuaga cœu mole ruens. nec tota furentem
 Austria sustinuit; sed rerum dispare voto
 Censuit, alternâq; morâ, dextrâq; ferendum
 Hactenus inuicta; dum motis Sarmata tandem,
 Expectata diu consortia iungeret armis.
 Feruebant sed iam Lechicæ præcordia Gentis;
 Armorum natiuus amor, spiramine vasto
 Heroas mentes tantò feruentius vssit;
 Quanto causa Dei potior, fideiq; tuendæ;
 Quam Pharus, & stimulus Martis, Rex ipse IOANNES,
 Prætulit augustis manibus; cœu flamen ab alto
 Diuinas agitans curas, Zeloq; calescens;
 Vt belli generosa sitis, succenderet omnes.
 Prima LVBO MIRSCÆ virtus, ardoribus istis
 Incaluit, sensitq; faces in pectus adactas;
 Pergama cœu cuperet Pyrrhus, vel Scipio fulmen
 In Libyam, Pœnosq; ferens, mox spicula cordis
 Torqueret, gladios acuens; vt sanguinis imbres
 Bistonia ceruice pluant. sic Marte secundo
 Præuolat, Heroumq; manum lectissimus ipse
 Ducit, in Odrysiæ cædes, & vulnera mille.
 Præcessere viri, quorum per secula viuet
 Immortale decus; fieri quod prima Gradiuo
 Victima lætati, dederint ad classica nomen;
 Germanasq; acies primi socialibus armis
 Tentârunt iunxisse, malo iam tramite belli

Hieronymus
 Comes in Wi-
 snicz Lubomir-
 ski, S. R. I.
 Princeps, Mar-
 schalcus Curie
 Regni, cum
 Legionibus Po-
 lonis in Austri-
 am mouet.

D

Latiùs

Latius effuso, cinctâq; gemente Viennâ.
 Nempè velut tonitru, quo vis densissima terras
 Fulminat ex altò, Iouis indignante ministra,
 Præcipitat mortem iaculis, flammâq; minaces
 Nube rotans grauidâ; quò se violentiùs infert
 Omnia comminuit; feralia busta, focosq;
 Accendens Erebo similes. sic fulmen Auerni
 Vezyrus furis agitatus, & omnia passim
 Comminuens, frendente minax ruit agmine totus,
 Hæreat in sola donec, spumerq; Vienna.
 Vrbis antiqua, potens sceptris, animosa virisq; ,
 Flauia Romanæ Victricia nomina stirpis,
 Cui priscum fecere decus. natura, manusq;
 Robur ab arte dedit; quò murus Aheneus esset
 Austriadum trabæ. ripis ingentibus altos
 Danubio cingente sinus; totiesq; fluentis
 Vortice distractis vario, sectisq; vicissim;
 Vt fluuius decerter aquis, hostemq; moretur.
 Pars Vrbis sed quam posuit campestribus aruis
 Conditio, geniusq; loci, firmissima surgit
 Contrà vim Geticam; tot propugnacula fossis
 Loricis, valloq; gerens, & cespite vasto,
 Sumptibus Austriacis magno molimine ducta.
 Turcarum ingentes hîc confedere phalanges,
 Castraq; Bistonidum Xerxeis æmula castris,
 Immensos tractus terrarum, grandeq; visu
 Vnâ cum Scythicis spatium tenuere molossis;
 Cingitur vrbs, arctoq; tremit discrimine rerum.
 Austria tota, Getis latè populantibus ehèu
 Fumat, & Iliacas circumspicit undiq; flammâs.
 Mox operæ feruent, oppugnandiq; parantur,
 Artes, & moles variæ; seu grandine tota
 Moenibus instandum; seu fors per viscera terræ
 Effossis latebris, occulto Marte petendi

Magnus Turca-
 rum Vezyrus,
 cum ingenti
 Exercitu Vi-
 ennâ obsidet

Circu-

Circuitus ; nitrata quibus se machina fundo
 Inferat, horrendisq; solo mugitibus instet.
 Ergo balistis agitur prægrandibus, urbem
 Undiq; terrifico vis tormentaria quassat,
 Et lacerat tonitru. volat implacabile ferrum,
 Sulphureis pondusq; globis. Styx ipsa cauernis
 Mille per anfractus reboat. voluntur ab imo
 Omnia. pugnantum vis coniurata, Viennæ
 Ardet in excidium. sed Sterembergus Heros
 Eminent his, casuq; præstet sublimior omni
 Viribus Austriacis, peditumq; cohortibus auctus,
 Peruigil, immixtus cuneis, semperq; sub ictu,
 Erectus fida populi virtute, sacroque
 Iurata zelo fidei. nec profuit horror
 Exterius subtusq; tonans ; dum turpiter illa
 Tempestas elusa ruit, ceditq; cruentus
 Per sua busta furor ; stragisq; cadauera foedæ,
 Moenibus, & fossis, cumulo sordente relinquit.
 Pro ! quantum genuit Thrax, tanta cæde suorum,
 In rabiem versus ; toties quod sorte sinistra,
 Immanes ausus geminans, totiesq; repulsus
 Omnia cum tentat ; virtus Alemannica cunctis
 Fortior, infracto super omnia Marte triumphet.

At Equitum turmas retinens LOTHARINGVS ad Istrum,
 Ponteque deiecto castris diuisus, ad omnes
 Intendensque vices, & pressæ fata Viennæ ;
 Dum vigilat, carpitque Getas, & sustinet in se
 Res propè conuulsas. fortissima iungitur illi
 Dextra LVBOMIRSCI ; qui iam cum flore Polono
 Exoptatus adest, contemptis mille periclis.
 Viscera Germanus miles, cum Principe dextra
 Pandit ei ; stringuntq; pios sacra foedera nexus
 Arctius ex vtraq; manu. mox fortia gesta
 Consiliis agitant paribus, Thracasque sequuntur.

*Oppugnatur à
 Turcis validis-
 sine Vienna.*

*Fortissime à
 Cesareanis de-
 fenditur.*

*Princeps Lubo-
 mirscius cum
 Austriacis cop-
 as suas iungit*

Sors quocunque vocat, transmissa flumine prona.
 Hic iam victrices Aquilæ, felicia primum
 Omina, Bistonii sumunt de clade Gradiui.
 Cæditur ad ripas Istri, castrensibus hostis
 Egressius caueis. capitur non vna Gelonum,
 Turcarumq; manus. constat res omnis ad urbem
 Quæ geritur; quantæque suis cecidère ruinis
 Hostiles animæ, peditum lectæque cohortes.
 Quam Vezyrus atrox rursus noua fulmina belli,
 Immanesque paret quassandis mœnibus iras;
 Per capita, atque struem calcatae mortis iturus,
 Quò Velanus auet. sed ringitur, vndique Bessos
 Atque Scythas virtute capi, cædique Polona;
 Post geminas palmas, victoria quando secuta
 Tertia nobilior. LOTHARINGI Principis illam,
 Atque LVBOMIRSCI mens cordatissima, iusto
 Conflictu meruit. nam Thracas vt impius ardor
 Pannonas, atque Scythas, coniunctis extrulit armis,
 Per Marcomannos feralibus omnia flammis,
 Tollere dùm flagrant. occurrit Lechicus, atque
 Austriacus Mauors, læuis vt fortiter obstet
 Agminibus, proprioq; feras vt sanguine pascat.
 Primus in Odrysiū robur, fortissimus vrget
 Arma Lubomirsci genius; quo victima præceps
 Ductoris Getici cadit; insultusque Scytharum
 Funditur, & nimbus Thracum, Grocholscia postquam
 Incubuit lateri virtus, vicitque ruentes,
 Robore Germano, iam perrumpente phalanges
 Effusi cessère Getæ. mox vndique cades,
 Probrosæ tergumque fugæ. spes vna salutis
 Ister. & hic Lechicus si quos non hauserat ensis,
 Hausit aquis, merfosque tulit cum vindice fluctu
 Militis in prædam. sic res angusta, triumphis
 Mense sub Augusto, dederat maioribus omen.
 Hic vicisse datum. sed res angusta Viennæ,
 Extremam

*Turce aliquæ
 rtes à Polonis,
 & Germanis
 caduntur.*

*24. Aug. Tur-
 ca à Principe
 Lotharingio
 & Lubomir-
 scio, insigni
 clade caesi.*

Extremam poscebat opem. concussa fatiscunt
Mœnia, non vno vallum discedit hiatu;
Admotæ propius moles. iamque imminet hostis
Strage sua fossas, & vastis cædibus implens;
Cumque vices mutet, respiria nulla laborum
Obsessis concessa, dies, noctesque fatigant
Excubias vrbis. suspirant omnia Martis
Auxilium Lechici. solamen in omnibus vnum,
Vna salus rerum, tutelaque tota IOANNES
Rex bellatorum, clades Orientis, & ymbo
Maximus Europæ. qui iam victricia tollens
Signa coronati capitis discrimine, Thracas
Poscit, & Austriacis properat succurrere rebus.

Secula quod stupeant, quod nullus in orbe loquatur
Par genius Vatum, Parnassia numina Musæ
Dicite nunc; quanto steterit res maxima ductu
Sarmatici Regis. solium quàm vicerit omne,
Exemploque pari nunquam visendus, in vna
Gestorum serie, totum concluderit Orbem,
Orbis Christiadûm victoria tota IOANNES.
Grandis ei stimulus, fidei defensio, resque
Extremas habitura vices, si vinceret hostis,
Europæ cupiens ipsam vicisse medullam.
Diuinum promille, sacri cum foedere belli,
Aggressor opus, pietatis victima primùm
Augusta virtute cadit. dùm supplice voto
Claromontanæ, veneratus Imaginis ædem,
Virginis Augustal magnæ, Christique Parentis,
Regales strauit trabeas; dextramque sacrauit
Gentibus Eois vlticia fata daturam.

Hinc ad cor Regni, Craciam delatus ad urbem,
Corda Deo, Diuisque vouet. nil Sanctius vnquam,
Auspiciis belli, Martisque in limine gestum,
Principe quàm tantò. quoties prostratus ad Aras,

E

Augusta

*Serenissimus
Ioannes Pol-
nie Rex, expe-
ditionem in Au-
striam appa-
rat.*

*Miraculosam
SS. Virginis
Claromontanæ
Imaginem vi-
sitat.*

*Craciam
aduenit.*

*Diuinam opẽ
publicis suppli-
cationibus im-
plorat.*

*Nicolaum Sie-
nianski Pala-
tinum Vothy-
nie, & Exerci-
tuum Campi-
ductore, cum
parte copiarũ
premittit.*

*Die S. Lauren-
tii Martyris A-
postolicam be-
nedictionem
recipit.*

*D. Ioanis Can-
ty sepulchrum
adit, & Vni-
uersitatem*

*Crac: aman-
tissime visitat*

*15. Aug. Die
Assumptę in
Cælum Virgi-
nis, ex celebri
loco Arenensi,
ad Castra di-
scedit.*

*Serenissime
Conforti, &
Regie Proli
valedicit.*

Augusta pariter cum procumbente Marita,
Proleque Regali; lachrymas spectantibus ipse,
Et dulces gemitus expressit, & omnia faustè
Successura, Deo sic disponente probauit:
Ergo SIENIAVIO primùm Ductore, phalanges
Expedi instructas acie, fortesque Virorum
Accendit dictis animos. Mox ipse triumphis
Omina fert benedicta polo. LAVRENTIVS illis
Martyr, Apostolicas laurus, & prauia rerum
Argumenta dedit, quæ iam fors læta parabat.
Patriti Diui, Cineres vbi, bustaque sacra
Deposuerẽ locis felicibus, ad pia vota
Delecti. visique lares vbi CANTIVS, ædes
Incoluit doctas, & limina Palladis altæ.
Ille triumphali cecinit victricia cantu,
Victorique dedit lætissima signa IOANNI;
Qui vultu tandem sacris defixus Arenis
Ingemuit; stellamque Maris dùm poscit ab alto,
Ante triumphantem posuit sua vota MARIAM.
Iam Lechici Martis Dux IABLO NOVIVS ibat
Robur habens. cataphractus Eques iam totus in armis,
Silesius vicina plagis iam castra stetere;
Cum REX Inuictus, feruensque in prælia Maior
Ipse sui victor, quàm Maiestate stupendus;
Tam virtute super mortalia cuncta triumphans,
Sanguinis oblitus, Patriæ, vitæque, thronique,
Regalisque Domus; caræque per oscula Proli
Perrumpens, externa petit discrimen in omne
Regna: nec Augustæ Confortis dulce moratus
Nomen, & videntes lachrymas, comitante IACOBO
Principe, Sarinatis terras dimittit amicas.
Pro! quantum Bellona potens, heroaque virtus
Entheat ingentes animos! nil tota vorago
Mortis, & abruptæ: nil profecere Charybdes;

Mars

Mars ubi contemptor vitæ, nil carius vnquam
 Æstimat; in mortis quàm posse pericula ferri,
 Et pretium nescire sui. quàm prodigus, & quàm,
 Nec sibi, nec Domui parcens Rex maximus, Orbi
 Christadum donatus abit. cûi gemmula magni
 Sanguinis, & trabæ soboles Augusta IACOBVS,
 Cor non eripuit; communia viscera secum
 Dùm tulit in mortem. sed nec pugnante Philippo,
 Hic Macedo Natus, voluit superesse; domique
 Purpureas iactare togas, cum casside picta;
 Discere sed Martem rigidum virtute Paterna,
 Luctari, galeamque pati, vel cespite duro
 Reclinare caput, vel fixa stare sarissâ.
 Hoc animo Patrem sequitur, ductaque secundo
 Arma mouet; Phrygio non tam vilendus in auro;
 Quàm sitiens pugnæ. celeres iussisse cohortes
 Iusserat interea Princeps. mox ipse secutus
 Maturum festinat iter. iustissimus ardor,
 Et dolor, & rerum vix eluctabile fatum,
 Excussere moras. feruent pia vota gementum.
 Supplicat omne genu, sacrisque aduoluitur Aris.
 Publicus Europæ penetrat cælestia clamor.
 Cracia cinnameis redolent Altaria donis,
 Atque madent lachrymis. Consors Augusta, Domusq;
 Regia, sacrorum mystæ, cum plebe fatigant
 Numinis irati solium. foedissimus urbem
 Turca quatit, stringitque magis. vix Austria spirat,
 Vix animi compos, discerptaque tota dehiscit.
 Thrax vespillo furit, subtus feralibus instat
 Ignibus, euellitque bases, vallique profunda;
 Tormentis nunc triste boat. mors sæua, cinisque
 Extremus, properant tristissima busta Viennæ.
 Sed non hoc, dubiis æterna senacula rebus,
 Decreuere polo. supplex affusa Tonanti

*Serenissimus
 Iacobus Polonia
 Princeps, ma-
 gno animo
 Patri Augusti
 Martem sequi-
 tur.*

*Cracouie, &
 per Orbem Chri-
 stianum feruē-
 tissima Deo,
 supplicantium
 vota.*

*Maximi viri-
 bus, & extre-
 mo conatu,
 Turcæ oppu-
 gnât Viennam*

Religio, squaliente coma, rorantibus imbres
Sanguineos oculis, per lilia casta genarum
Deducens, dudumque suos lquallore sepulta,
Non loquitur, sed tota gemit. Rex Maxime Regum,
Immensum Numen, rerum vis summa Creatrix,
Electi populi spes ynica, vita, salusque;
Quam Tua Crux, Sanguisq; Tuus, mortisq; pudendæ
In Cruce quæsiuit pretium. iam cardine toto,
Res mea, Christiadûmq; genus, sedisque potestas
Romanæ conuulsa ruit. versatur in vna
Urbe, graui fremitu cûi barbarus imminet hostis,
Cladibus vna meis, quæ sorbeat omnia clades,
Nî statuas aliter. quod tristè gementibus oro
Visceribus, consilia tuæ pietatis abyssò.
Tolle minas, disperde Getas. fac vincere causam,
Quæ pro Te zelat. Machometis bellua spurci,
Sentiat Inuictum pro Te vicisse IOANNE M.
Hæc ait, & luctu siluit deiecta profundo.
Adiunxère preces, maiestatisque tremendæ
Ante thronum, fusas Diui misère coronas;
Austriadûm, Lechidûmq; quibus res publica cordi est.
Natalesque breui celebres, habitura per Orbem,
Magna Dei Mater, mira dulcedine cordis
Reddidit Austriacæ Numen clementius Vrbi;
Et Marti Lechico palmas, & clara IOANNI,
Gesta triumphorum meruit. legionibus ille
Sarmaticis properare gradum non cessat; vt hosti
Ocyûs incumbat; quem vastis passibus ardet.
Morauasque Arces, & quod miserabile dictu,
Vndique fumantes tædis hostilibus oras
Prægressus, volitante velut pennæque, viâque.
Occursu fausto Lotharingi Principis, intrat
Finibus Austriacis, quæ proximus alluit Ister
Arua Getis propiora. breui visendus in ipsa

Terri-

Terribili rerum facie, bellicue theatro.

Hic socias castris Aquilas, & classica iungens,

Prima Ducum capita, & fulgentem Principe mitra,

Electorem Germani roboris augem,

Excipit amplexu grato, dignatur honore;

Spelque bonas animis renouat. languentia corda,

Augusti vultus in Maiestate serenat.

Terror, amorque simul Martis. non lætiùs vnquam

Cæsareæ volucres, Alemanni corda Gradiui

Exegere diem. nec tam Romana Camillo

Submisit fortuna novos cum vertice fasces;

Quam cum Diuinus cælestia lumina Princeps,

Intulit Austriadum castris. risere secundis

Auspiciis hilares animæ. cœu nube remota,

Cum madidæ celsere minæ, sudumque reduxit

Clara poli facies, roseo Thaumantias ore,

Arridet Phœbi radiis; arcumq; nitentem

Tollit in applausus, cælo redeunte sereno.

Principis ad tanti nutus, Exercitus omnis,

Iussa capit. Regale caput, cœu Delphica magni

Consilii delubra colit. dictamine summo,

Tot populi, linguæque pares in milite sensus

Conciliant; vnumque sequi placet omnibus, vno

Sic poscente throno. Mars, Confus, Nestor, Achilles

Rex idem, famam transgressus nominis; in quo

Plùs vidisse datum, quàm quod sperauerat Orbis.

Vt placuit tandem, robur commune Gradiui

In Geticas acies, & Thracia vertere castra;

Bistonio fastu rem contemnente, nec vllis

Faucibus obsessis. nec in vlllo calle viarum

Excubiis circum positis. vis bellica tota,

Ponte catenatum postquam transmiserat Istrum,

Hostilem tenuit ripam. quàm vana tumentes,

Excæcas animos fiducia! quantus in hoste

F

Exitii

*serenissimus
Ioannes cum
Austriaco E-
xercitu, Copi-
as iungit.*

*Summo ani-
morum deside-
rio, & gaudio
excipitur.*

*Danubium
cum toto exer-
citu, secure
transmittit.*

Exitii stupor ipse sui, venabula temnens,
 Seruiit, vt caderet. cessit fortuna superbi
 Bistonis in melius. spoliū Mezentius ingens
 Hâud Teucris, nomenque suis infame dedisset
 Manibus æternū; si non contemptor in hostem
 Barbaricos fastus, præruptaque colla tulisset.
 Hic acies iam tota patet, iam castra Getarum
 Admotis propius castris, viciniùs adsunt.
 Martia res geritur, maioribus vndique curis.
 Agminibus miles, cautisque per omnia circum
 Passibus incedit, nemori iam proximus alto;
 Hosti quò faciles latebræ; seu viribus ille,
 Seu agat ille dolis. sed mens inuisa IOANNIS,
 Difficilesque vias, præruptaque vincere saxa
 Fecit, & anfractus varios. longissima sylvæ
 Sanguineis moles ô quàm sudoribus, ægrè
 Contra Bistonidas, potuit per devia vinci!
 Fortiter excussis Thracum, cæsi que cateruis,
 Calleque securo; quem fecerat ille cruentus,
 Immensusque labor; tum dira famelique, sitisque
 Ereptusque oculis somnus. lectissima donec
 Eluctata manus, per circumstantia latè
 Æquora terrarum, campos spectaret apertos,
 Venerat illa dies, cui nec testudo Pelasga,
 Nec par Mœonides. nec Mantua rota Camœnis
 Sufficit Ausonijs. sua cū fastigia Pindus,
 Cyrrhaque, & acclines submisit Cynthus honores,
 Vna dies, nec plena dies; quæ secula vicit
 Plena triumphorum, quod de se sola loquatur;
 Quâ rerum serie fastos impleuit, & Orbis
 Hactenùs attoniti captum superavit, & omnem
 Excessisse fidem meruit; nisi Sole sub ipso,
 Vicisset testes oculos, res fortiter acta.
 Purpureas aurora genas, nam vertice summo,
Protu-

*Sylvarum in-
 uia. & ab ho-
 ste in seffa, sum-
 ma virtute pe-
 netrat.*

*12, &bris glo-
 riosissimus ad
 Viennam con-
 flictus.*

Protulit vt primùm ; liquidos solisque iugales
 Præueniens, cum rore diem signauit amicam;
 Mars vigil, & grandes agitans in Principe curas,
 Impatientsque moræ, lituos, & classica belli
 Excitat. ingentisque operæ molimina primus
 Accelerat, Ducibusque vices dispensat; ad omnes
 Militiæ partes intentus, & vndique tantæ
 Molis opus retinens, inuictæ robore mentis.
 Corpora fessa quidem, sed miles ad omnia promptus;
 Et cunctis viuax animus, maiorq; seipso,
 Solaque tam vasto virtus supereminet hosti.
 Rex animo summus, maiestatemque decora
 Fronte gerens, natusque sago, totusque cruento
 Iam positus campo, sapiens, fortissimus idem;
 Eductas acies, fors cùm fecisset iniquis
 Instruxisse locis, miro tamen Ordine pandit.
 Tauricam contra ducit, cornuque sinistrum
 Dux Lotharingus habet; medium stat robur in armis;
 Quod regit Elector Saxo, pariterque Bauarus;
 Rex dextrum cornu, Lechico cum Marte gubernat.
 Parua acies numero. sed stat virtute quadrata.
 Sed Ductore suo, satis est augusta IOANNE.
 Pandit & Odrysiis educta potentia castris
 Insolitas acies, tormentaue bellica grandi
 Disponit numero. nubes densissima campos
 Obruit; exceditque oculos, renuitque videri
 Tota simul. vires Orientis, & agmina mille
 Gentibus ex variis, ignotaque nomina ducens.
 Formido passim volitat. cordataque quamuis
 Pectora, castrorum percellit machina tanta,
 Cunspectuque grauat res portentosa vel ipso.
 Vt campis sonuere tubæ, data signa Gradiuo;
 Austriadùm, Lechidùmq; Aquilas Rex maximus antè
 Prouocat ad fortes ausus, & talia fatur.

*Serenissimus
 Joannes acies
 instruit.*

*Turcæ validis
 sinam aciem
 instruunt.*

Gens electa Deo, Christi gens sanguine parta,
 Heroæ, caræque animæ; quas ducit in hostem
 Causa Dei, tantisque fides obiecta periclis,
 Otthomannus adest, hostis iuratus, & vno
 Ictu oculi, nostram cupiens excindere gentem.
 Res stetit in puncto. quo non vicinius vllum
 Casibus extremis; si non victricibus armis,
 Hic stabit defensa fides, virtuteque vestra;
 De tot in Europa Regnis, & gentibus actum est.
 Nec vos tanta acies, nec bellua terreat ingens
 Threiciæ Martis. Deus est victoria nostra,
 Pro quo res agitur. sacræ fiducia causæ,
 Auimane Pater, diuinus spiritus in Te,
 Quam peperit nobis, in nobis sola triumphet.
 Spes bona, nobiscum Deus est. nec plura locutum,
 Excepit Geticus Mauors, cœu fulmine toto
 Castra Dei Sabaoth, Germanaque robora primum
 Aggressus, Scythicis canibus, Pontique molossis;
 Quæ Lotharingiacas tenuit pars læua cohortes,
 Iunxerat & Lechicas Princeps Lubomirscius alas.
 Ergo pharetrati, iaculis, gladiisque Geloni,
 Ut strinxere manum; vis confertissima pugnae
 Undique per campos Alemannica fertur in arma;
 Sæuus mucro neces, & funera totus anhelat,
 Auolat, & reuolat, tandem ruit impete cæco.
 Sed nubem Scythicam, sua vis, rabiesque fefellit;
 Viribus infractis, cum murus aheneus illam
 Densatis cuneis, tormentorumque per ictus
 Disiecit. Scythica postquam Theutoque, Lechusque
 Cæde cruentatus, fugitiuos reppulit illò;
 Quò malè sana cohors, ingenti venerat ausu.
 In dextrum cornu, sed iam cum Marte furenti,
 Incubuit Vezyrus atrox; quò principe ductu,
 Regius effulgebat apex, galeæque nitentis

*P. Marcus Au-
 niani Capuci-
 nus, Sanctimo-
 niâ vitæ cele-
 bris, Exercitus
 Christianos
 animauit.*

*In sinistrum
 cornu Scythæ
 primum inuo-
 lant.*

*Fortissime ex-
 cepti, à Duce
 Lotharingo
 fugantur.*

*In dextrum Cor-
 nu Serenissimi
 Ioannis Turca-
 rum impetus
 maximus.*

Fulgur

Fulgur & Inuicti species augusta Monarchæ,
 Acrius inuitabat opus. si Bosphorus vnquam,
 Turbine fulmineo, dirisque furoribus actus,
 Mouit in aduersum Martem violentiùs iras;
 Nunc certè totus, Stygio cœu flamine raptus,
 Quod non crediderat cernens, & viscera mandens,
 In cades Lechicas, inque exosissima Regis
 Nomina Sarmatici, velanis passibus iuit.
 Hûc quoque Rex bellator adest, fortissima magno
 Bella ciens animo, cataphractas ordinat alas;
 Et peditum robur, quod sæuis Thracibus obftet,
 Sulfurea cum nube locat. densissimus inde
 Nimbus in hostiles acies ruit, & fragor ingens
 Detonat in campis; queis Sarmata fortis in hostem
 Inuectus, strictoque minax, & fulgidus ense,
 Confluxit spectante polo, virtute stupenda.
 Thrax numero, fastuque valet, contemnit, & vrget;
 Vi calet inuicta, Lechicus sine mole Graduius;
 Sed grauis incumbit, scrutatur viscera ferro,
 Figuntur validæ, fibrisque patentibus hastæ,
 Mille vias morti, per sanguinis ostia pandunt.
 Pugna cruenta vices alternat, & vndique secum
 Luctatur fortuna, vagis cœu fluctibus acta.
 Stat Lachesis casu dubio, sortemque cadentium
 Fata librant. Geticæque animæ nunc cade cruenta
 Intereunt; nunc sæua rapit cum morte procella
 Heroas Lechiæ. cadit hêu lectissimus, alti
 Sanguinis, & Patriæ flos, victima prima iuuentæ
 Sarmaticæ, magnique Patris dolor, hêu dolor ingens
 Potocius virtute cadit! per secula ductis
 Victurus Lechiæ fastis. quem bellicus ardor
 Intulerat, Mauors vbi confertissimus, inter
 Feruebat Geticos enses; Pallantaque nostrum
 Abstulit; in turmas dùm pugnacissimus ardet

Poloni fortissi-
 me pugnant.

Atrox vtrinq;
 & dubia pu-
 gna.

Stanislaus Po-
 tocki Castella-
 nid: Crac: Præ-
 fectus Haliciæ:
 fortiter, & glo-
 riosè occubuit.

G

Odry-

Odrysias; vitamque Deo, fideique tuendæ
 Donat, & æterno consignat nomina busto.
 Hic tibi purpureis, Iuenum Celsissime, nimbis
 Cælica grando pluet Pæstana rosaria. totus
 Hic viues roseus; quem purpura murice bino,
 Sanguinis, & Martis decorat. nec desinet vnquam,
 Delicium te fama suum, te dicere Mauors,
 Donec inauditæ durabit gloria palmæ.

Sternitur hac acie quoque Modrzejouius Heros,

*Thesaurarius
 Curia Regni
 Modrzejouius,
 summa virtute
 pugnans in
 terimitur.*

Militiæ primæuus honos, cordata tot annis
 Gloria pignantum. Vir quam vilendus in armis;
 Tam polcente toga cultissimus, omneque tollens
 Dotibus excelsis punctum, iustique doloris
 Augustas meritis lachrymas; pulcherrima laurus,
 Cui circum tumuli fastigia celsa virebit,
 Perpetuum latura decus. cecidère sub ictu
 Fatalis gladii, tot nomina, totque Poloniæ
 Robora militiæ; quorum me polceret, ô quam
 Digna cani virtus! sed iam res maxima rerum
 Vertitur in puncto. dum pugnaæ feruet vtrunque
 Marte ruente calor; belli stetit alea tandem
 Pro nobis ô Magne Deus! quem Cracia supplex
 Pane sub Angelico, pietas, felicibus horis,
 Hæc ipsa tuleratq; die; quâ vincere per te,
 Christiadum potuit virtus, in Rege! O ANNE.

*Processio solen
 nis Cracouie
 cum SS. Eu-
 charistiæ Sa-
 cramento, ipsa
 victoriæ, die,
 & horâ.
 Turcarum E-
 xercitus fun-
 ditur.
 Serenissimi A-
 lexandri Polo-
 nie Principis,
 hastatorum Ala,
 primæ Turca-
 rum aciem
 frangit.*

Nempè diu luctata sago, mox tota reliquit,
 Vezyrum fortuna truci; per Thracia postquam
 Perrupit cataphractus eques, fregitque Gelonum
 Agmina, per strages, & diræ mortis aceruos,
 Egit Alexandri primum quod Principis Ala,
 Hastatis figens iaculis, Bessosque, Getasq;
 Ordinibus ruptis donec disiecta, fugaxque
 Sæua phalanx rueret. tum robur scinditur omne,
 lamque patet gladiis. caduntur Marte soluto

Heu

Heu pauidi Turcæ! gladius vorat omnia, passim
 Imbelles fortesque cadunt. fuga dedecus ingens
 Præcipitat victos, cogitque excedere campis
 Æterna cum labe Getas. Vezyre quid ultra
 Mentis in excessu, lachrymas, & inania torques
 Fulmina, ridendasque minas? quid supplice fletu
 Poscis opem Scythiæ? quid pignora cara? tuosque
 Obtestaris, atrox quondam, fastusque pudendi
 Heu nimis! pugnare simul, totisque Viennam
 Viribus oppugnare ausus. quod turgida suavit
 Barbaries, Lechici despecta; Castra Monarchæ;
 Quem fugis heu! vertisque palam foedissima terga,
 Præfectique tui, millenaeque copia tecum
 Militiæ tantæ fugit heu! sic impie Biston
 Nosce Deum, blasphemæ, furens; rodasque teipsum,
 Quod tanto cum Marte cadas, fuerisque sub ictu,
 Iam propè mancipium Lechicum; nî sæpe fugacem;
 Mutatus toties sonipes seruasset, adusque
 Supplicium de te, iustas scelerisque nefandi
 Vindicias; quas fune lues, non perditus ense,
 Ite Getæ scelerata manus, pernicious ite
 Passibus heu retro! vis, & fortuna IOANNIS
 Fulminat effusos. Nemesis iustissima torquet
 Frendentes animos. Lechicus Mars proterit, instat.
 Rex inter cuneos, interque pericula totus
 Monstra fugat, Stimulatque suos. carissimus illi
 Ponè latus cingit, primo sub Marte IACOBVS,
 Regia progenies, & tanto digna Parente;
 Iamque Scythas validus, iam Thracas vincere Princeps,
 Maturus virtute, cruentaque prælia poscens;
 Quæ didicisse licet tanto spectata theatro;
 Ad Patris Augusti regimen; quem fortis ubique,
 Inuictoque animo sequitur. ducturus in hostem
 Auspiciis aliquando suis, cis Strymona, & Hebrum,

Turcarum ce-
 des, & fuga
 ex alic.

Vezyri magna
 compunctio.
 & punitio.
 Lechici despecti-
 onis, & tur-
 oppugnata.

Serenissimi Ia-
 cobi Polonie
 Principis, pri-
 mi in bello, for-
 tis, & heroicæ
 virtutis.

Viētrices Aquilas. quas nunc Orientis ad Istrum
 Vis immensa stupet; dūm maxima castra reliquit,
 Turca fugax totus, per fœda cadauera, perque
 Prodigiosa ruens tantæ dispendia molis;
 Cū fuerat nox illa dies; nī sole cadente
 Nox clausisset opus; tenebras quæ fudit opacas;
 Atque cruentatæ posuit respiria dextræ.
 Sed dilecte Deo, Princeps Inuicte IOANNES,
 Respirare Tibi victori non licet. ecce
 Totus amor, totusque Tibi per gaudia plausus
 Funditur, inque Tuos obtutus irruit omnis,
 Gratia Theutonici Martis. iam colla, manusque
 Oscula mille ferunt. iam mucro Regius inter
 Delicias; armisq; tuis iam dulciter hærent
 Ora salutantūm. Tu sol, Tu nect̃ar amoris,
 Tu stupor Austriadūm. Tibi le complexibus arctis,
 Electoralis iungunt fastigia mitræ.
 Tu seruata salus, Tu spes inuicta Viennæ;
 Quæ Tibi Victori, iam libera plaudit, ouatque,
 Atque triumphales pandit cum viscere portas;
 Lætitiæ vix ipsa suæ, sine fine, modoque
 Sufficiens, rursusque nouis natalibus orta,
 Ingredere urbem Rex, quamper Te Marte stupendo,
 Regalis sudatus apex, ex faucibus ipsis
 Eripuit; tumuloq; suo cœu surgere iussam,
 Reddidit Augustis manibus. stupet illa seip̃sam,
 Teq; oculis fert illa suum, Rex Magne Camillum;
 Te votis, & voce colit; Te deperit. in Te
 Scipiadas, ^{Decios,} Marcellos, Hæctoras; & si
 Quid maius bellator habet per secula Mauors,
 Suspicit. oblitamq; sui se gaudet, in vno
 Principe, tam vastis etiam superesse triumphis.
 It clamor Cælo. sed clamor dulcis, & inter
 Miscentur lachrymæ dulces, & gaudia læta;
 Agminibus populi Te iam polcentibus vnum;
 Spectantūm numerus quem confertissimus ambit.

*Serenissimum
 Ioannem, Ele
 ctorem, & Prin
 cipes Imperii,
 summo gaudio
 complectitur.*

*Viennā obsidi
 one liberatā,
 Rex inter ma
 ximos applau
 sus intrat.*

Sed

Sed Tu templa petis, sacrās Tu pronus ad Aras
 Procidis; expansasq; manus, & brachia tollis
 In cælum; tribuisque Deo, qui vicerat in Te,
 Quicquid inaudito gestum, fractumque Gradiuo.
 Causa Deus, Deus ipse suæ victoria causæ,
 Seruator, Vindex fidei, totusque triumphus;
 Pro quo dulce mori; nî palmas ipse dedisset;
 Impia nî tumidi fregisset colla Tyranni.
 Vrbe sed angusta millenis plausibus exis;
 Castra quod exposcunt hostilia. nocte profunda
 Nam fuerant latè flammis ingentibus hausta;
 Dum lixas audus prædæ rapit impetus; & mox
 Immani terrore luit, damnoque rapacis
 Ignes fortuitos dextræ. lux clara reuelat,
 Castrorum tandem seclis memorabile pondus,
 Et vastas Orientis opes, Asiamque relictam
 Militis in spoliū. nihil hîc non fulgurat auro;
 Nil vacuum gemmis. nil quod non purpura texat,
 Sidoniusque nitor quod non euerberet, inter
 Delicias; quarum Vezyri Curia Princeps,
 In Castris urbana dedit spectacula, campis
 Ad molles luxus deducta palatia figens.
 Plumbea vis ingens, tormentorumq; stupenda
 Prægrandi numero moles; armataque passim
 Cópia, nec dictu facilis, numerumque recusans;
 Omnia spes auidas superantia; maximus ardor,
 Atq; sitis prædæ, quæis non suffecerat ingens,
 Tolleret vt totum. quamuis cum milite tanto,
 Plebs quoque Threiciis luxus urbana tulisset.
 Prima tamen, nostris simulac cessêre trophœis,
 Rex pius, Innocuo mittit vexilla Monarchæ,
 Christiadûmque Patri; seclis venientibus olim
 Romano visenda tholo, quo maximus Orbis
 Fulget apex. manibusque tuis commissa Talenti,
 Care throno Regum, trabeis dilectæ Polonis;
 Deliciis quem Roma suis, sacrisque triumphis

H

In Basilica Vi
 enensi pro ob-
 tenta victoria
 Deo gratias agit

Castra Turca-
 rum noctu sor-
 tuto igne cor-
 repta.

Castra Turca-
 rum ingentia
 diripiuntur.
 Præda Caastro-
 rum inaudita

Vexillum Ot-
 thomanni,
 Innocentio XI
 Pontif. Maxi:
 in signum vi-
 ctoriae missum

Extulit

*Abbas Clara
Tumba Ioan-
nes Casimirus
Donhoff vexil-
lum Pontifici
reddit.*

*Venetis, Ro-
ma, & per Orbē
Christianum,
insignes tri-
umpho.*

*Rex insequi-
tur hostem;*

*Morbi lethala
Exercitum
insestant.*

*Vezyrus iterū
vires colligit.*

Extulit ad summum. postquam Donhoffius Abbas
Gaudia Pontifici vix iam sua, corque tenenti,
Reddidit, Odrysiæ lunæ victricia signa,
Eloquii dulcore sui. nec dulcius vnquam,
Tarpeios colles, Vaticanaque culmina mouit
Plaudentis populi calor, & festiua procella;
Quam stupor, & plausus Venetæ præcesserat Urbis;
Autoniæque oræ passim dulcedo secuta;
Publicus Europæque bono lætissimus Orbis,
Viscera profudit Victori tota IOANNI.
Ille triumphalis postquam solennia palmæ
Victori tribuit Christo; nil velle morari,
Vezyrum statuitque sequi; dūm finis, & errans,
Percussusque fugit. dum totus palpitāt, hæret,
Fluctuat in partes, exelaque corda fatigat.
Motis hinc igitur castris, iubet ire Graduum
Ocyus, insequiturque Getas, captoique Viennæ
Reddit; vt obsidii quod vis sæuissima tanti
Mouerat è fundo; rursus seruilia Thracūm
Brachia restituant, Cyclopæasque ruinas
Admoueant dextras immanibus. ipse viarum
Difficiles tractus, infracto robore vincit,
Luctaturque gradu. nam quod consumpserat hostis,
Austriadūm terras ferro populatus, & igni;
Id graue militiæ. passim quoque morbida sternit
Corpora, distractus per castra gementia languor;
Heroasq; rapit, tantiq; negotia Martis
Obice fatali retrahit. Vezyrus vt arctæ
Concessere vices spatium, tentare fugaces
Reliquias ausus, rursūm noua prælia Budæ
Cogitat; offensi cupiens Bizantia sceptrā
Conciliare throni. sed Rex vestigat, in hoste
Quid ferat indignata malis successibus ira,
Vindictæ sitiensque animus. sic promouet Istri
Vicinas arces circūm, Geticisq; propinquum
Castris vrget iter. Turcas fors erigit, inflat;

Quæ

Quæ modicis steterat damnis. Donhoffius Heros
Hic cecidit, claro vir sanguine, clarior Orbi
Morte triumphali; quâ non concessit, vt hosti
Cederet in spodium. dignus per secula palmis,
Dùm cadit in palmas Patriæ. nam bellica laurus
Floruit hinc rursùm, memorando parta triumpho.

*Palatinus Po-
meranie Vlá-
dislaus Don-
hoff pugnans
gloriosè, ec-
cumbit.*

Scilicet Hunniacis vbi pons notissimus oris,
Istrum Strygonio iungit; Thrax barbarus ausu
Arma nouo sumens, collectis viribus ardet
Vindicias; plagisq; suis fomenta requirens;
Inuenit vulnus lethale profundius actum.
Ergò minax, ardensque iterum, fortissima corda
Prouocat ad pugnam. Rex contra Bistonas igne,
Et gladio victore calens, gratatur adesse
Fortunæ momenta nouæ, nec prælia differt.
Confluxere acies. Mars feruentissimus ambas
Commisit gentes. Thrax certat vindice ferro;
Sed victrice manu certant inuicta IOANNIS
Agmina; nec dubios vel prima fronte morantur
Euentus pugnæ. cataphractæ nempè cohortes,
Et peditum robur, Turcas vt fulmine primo
Dissecere; cadunt mox Thracia corpora passim,
Incumbitq; hastatus eques nutantibus, & iam
Ex acie motis. Rex totas ipsæ Phalanges
Ducit, & inflamat; victosque in fronte Gelonos
Ambit & à tergo; circumductoque triumphat
Marte per effusas acies, & busta cadentùm.
Vt campis cessere Getæ. tùm cædibus omnis
Ora loci vicina patet, cruor omnia scædat
Barbarus, & vespillo iacet feedissimus hostis
Funeris ipse sui. cecidere sub ictu
Victoris gladii; quos Mars productus ad Istrum,
Hauserat in campis; fuga quos effusa, relictum
Impulit in pontem, grandi formidine raptos,
Et miserè cæsos; & tandem ponte soluto,
In præceps hêu sponte datos, passimque ruentes,

*9. sbris infi-
gnis iterum
ex Turcis, ad
Strygonium
victoria.*

Turca profligati, ponte disrupto, Danubio cruentato merguntur.

Vltor Danubius rapuit, textitq; profundis
Vorticibus; nudata vorans tot corpora, totq;
Absorbens animas, miseræ spectacula scenæ;
Nuntius vt Budam tristis, totulque cruentus,
Sanguineis cladem Vezyro proferat vndis.

Sed manus effusis quæ se subduxerat armis,
Angusto conclusa loco, pontemque relinquens
Cessit in arbitrium Regis; captiuæque dextræ
Colla triumphali submisit; & oppida capti
Concessere loci, victori prona I O N N I.

Castra Turcarum iterum direpta,

Miles at in Castris, spoliolum rursus opima
Messe beatus ouat; tantæ noua gaudia prædæ
Priscis accumulans spoliis. lectissima Thracum
Portio vineta gemit, veniunt in vincula magni
Terrarumque Duces, Geticiq; insignia Martis
Nomina, Vezyros inter quæ computat Eos.

Captiui Turcarum insignes, Præfectus Sylistria vnus ex septem Vezyris, Præfectus Alepi, & alii plurimi in Vincula ducti.

Nempe Sylistriacos fascēs, Alepiq; curules,
Qui tenuere Viri, Præfecti gentibus, & tot
Prima sagi capita, in sortem venere dolendam,
Captiuasque manus vrgente dedere Gradui.
Sic Deus Odrysium rursus succumbere fastum
Iussit, & augustas L E O P O L D O surgere laurus,
Sarmatico fecitq; throno. victoria certè
Cæsum numero maior, nimiumque cruento
Marte dolenda Getis^{vubuit} celeberrima quamuis
Rebus inauditis vigeat; quæ laurea primum
Obsessæ fuerat vindex, & palma Viennæ.

Hic iam Threncias post clades, ponte reseccto
Danubium superat Princeps, Martemq; propinquum
Strygonio transfert. Vrbs opportuna, situque
Ad ripas Istri geminas, arcesque tuendas
Munito firmata loco, rebusq; gerendis
Apta, Viros ensesq; acuit. decernitur inde,
Miles vt admotis propius conatibus instet,
Inuadatque urbem. qui iussis ocyus ipsis,

Nempè

Nempè recens victor, gestis felicibus audax,
Bistonas aggressus; per circumstantia tela,
Confertosq; hostes. gladio certante, manuq;
Belligera confecit opus. dùm cœdibus intrò,
Per strages validas perrupit; & hostibus ægrè
Elapsis, Turcas cedentes, arceq; clausos,
Casibus inuoluit fatalibus, vrbe potitus.

28. 8br̃i Stry
gonium expu
gnatum in
potestatem ve-
nit.

Thrax extrema sibi cernens occurrere fata,
Defensus virtute loci; feralia mortis
Eligit, & sua busta pati. ni dextra IOANNIS
Regia succurrat; cui se submittere soli,
Augusta recipiq; fide placet. indè receptis
Principis arbitrio Turcis, victoria plena
Successit, rediitque sacris arx dedita rursum
Fascibus Imperii. Geticas deduxit ad Istrum
Mars Lechicus turmas; quæ prono flumine Budam
Descendêre, vicesque malis auxêre dolendas.

Arx munitissi-
ma, in fidem
Legis Polonæ,
à Turcis dedita

Nec sua Vezyro mens tantis cladibus iëta,
Amplius hîc immota stetit. fremit, & dolet, & se
Lancinat infami probro, Budamque relinquens,
Excors, & sine mente ruit; quò pœna scelestum,
Et Nemesis vindex, furis ultatricibus egit.

Vezyrus Budâ
profugus ex-
cedit.

Bosphorus ingemuit, fundo concussa Propontis
Horruit ad tantos casus, fluctuque resedit
Composito; dùm Byzantina palatia squallent;
Formidatus apex Thracum dùm nutat, & hæret,
Vimq; Asiæ metuens, damnat sua vota Philippis.

Motus in Ori-
ente

Strymona sic agitant fluctus. Sed Victor ad Istrum,
Mars Lechicus, Patria rursum virtute triumphat,
Principis excelsi genio, ductuque IACOBI;
Qui Zaporouii cordato militis ausu,
Adiunxit Setino capto, palmare trophæis
Sarmaticis specimen. Magno quantumque Parente
Profecisse datum, summa virtute probavit.
Sicque coronati Patris, inter maxima gesta,
Filius est factus, rerum speciosa coronis.

Serenissimi La-
cobi, ductu, &
auspiciis, Seti-
num captum;

TRI-

TRIVMPHUS

AVGVSTISSIMVS,

Serenissimo, & Inuictissimo

JOANNI III.

post attritas, & triumphatas,

Ottomannicæ potentiaë,

in Austria, & Pannonia vires;

post seruata rei Christianæ salutem,

relatasq; ex inimicis Crucis Christi, inaudita victoria manubias,

& erecta trophæa;

ab vniuerso Orbe Christiano decretus,

& ad ritum prisce seculi

DEDUCTVS.

HActenus Te bellatorem cecini,
O R E X!

nunc Triumphatorem Orbi sisto,

ea maiestate;

quâ cum Cæsares defendis, vicisti Augustos,

triumpho sanè augustissimo;

in quo maximus omnium applausus,

silentium Orientis.

Admiranda gestorum Tuorum,

ad Musarum inprimis numeros coegi;

vt sudoris Tui bellici gemmas, serio computarem;

dignas utiq; numero, quarum inestimabili pretio,

seruata est Orbi Christiano,

gemma Austriæ, & corona.

Sed ad triumphalia Tua, & leges, & numeros soluo;

vt triumphet tecum lætitia publica,

sine mensura, sine modo.

Non

*Non caneris mihi amplius, numeris adstrictus ;
qui Viennam obsidii sui tedia numerantem,
non passus es numeris, vt cancellis adstringi;
nimirum, vt in libertatem asserta, dùm ex angusto soluitur,
deberet Tibi Principi libertatis,
augustas sine numero palmas.*

*Ibis iam liber,
dicerisque à me, sine Poëmaticis compede;
quia per Te Ô R E X !
Dominus soluit compeditos.
Quanquam res propè ad stuporem,
cogitanti aliena vincula, vt soluerentur;
quomodo sacri fœderis vinculo, captiuari placuit?
an vt vinceret, vinciri Te primum oportuerat,
non alias triumphaturum, nisi sic Deo, & fidei vinctum.*

*O felix Religio!
quæ sic religas, & stringis eos; qui Tibi vinctas dedere manus;
vt eas Orienti iniicerent;
nodumque Austriæ Gordium, Macedonis soluerent Ense.
Soluisti Ô Asiæ, Pontique terror*

*Magne R E X !
arcano diuinitatis, quod nulla secula resoluent,
ænigma intricatissimum;
Viennam sub cortina hærentem;
cuius funiculum cum nemo rumperet; nemo prædiceret sortem;
acinacem Tuum fecisti Oedipum;*

*& IOANNES in virtute Helix,
Prophetas Otthomannici Baal, à mane vsq; ad vespërâ clamantes,
triumphali de cælo igne combussisti.*

*Pro cruore igitur purpuram sume;
pro sago trabeam, pro cuspide sceptrum;
frontemque augustam, ex qua non vnus deciduus sudor,
Erythræos vicit vniones,
coronamento gloriæ præcinge.*

*Puluerulentus ille, Regalis paludamenti Tui,
inter cruenta prælia horror,*

in Chrysoclauium mutatus,
ſpectatiſſimus Orbi, & totus verè aureus prodeat;
quia & Tu ab aureo ſeculo Princeps;
qui momentò ad Viennam, mutaſti ferrum in Obryzum,
catenas in armillas; cauernas obſidionis,
in aureæ libertatis fodinas,

Africanos, Macedonicos, Aſiaticos,
ſecutus es virtute, & rerum geſtarum magnitudine;
ſequere & ſpecioſiſſimæ pompæ app aratu,
Pannonicus, Scythicus, Othomannicus,
ſed Tui inprimis maximus Victor;
qui vt hoſtem ſpe affectatæ victoriæ exueres,
Teipſum affectu mariti, & Patris exuiſti;
progreſſus ab amoris in rem Chriſtianam exceſſu,
ad exceſſum inauditi triumphi;
quem Tibi ad ritum priſci æui inſtituimus;
vt cùm omnes, ſeculi Tui viceris Bellatores;
vincas & triumphandi ritus;
ſolaque par ſit,
quæ Te ſeculis omnibus viſendum exhibeat,
Roma quondam in flore,
nunc tota in triumphi Tui
M A I E S T A T E.

I.

ÆDES BELLONÆ,
in qua de iure triumphantiũ decernebatur.

Hic Te primũ Ò R E X!
in æde bellatricis Deæ Orbi ſiſtimus;
quæ in ſuburbano, Urbis Dominiæ gentium,
coacto Senatu, de iure triumphantium cenſebat.

Ædes Bellonæ Tibi,
Orbis Chriſtiani Pantheon maximum;
in quo ſi rogentur de Te ſentētia, omne laticlauiũ pro Te concludet,
etiam iura triumphantium Te viciffe;

cũ

cum ius dixeris Orienti;
*cui per iniurias gentium, sacra, si Deus placet, ad tyrannidem vis,
rursus eadem, iustum precipitum tyranno.*

Testari de Te,

Legatos, Tribunos, Centuriones,
& de operibus Tuis magnificè disserere

non est opus;

cum ut triumpho augustissimo in Orbis faciem,

& in seculorum memoriam eas,

conuincat,

Oriens victus, Occidens attonitus,

gestorum Tuorum

& Testis, & Panegyris.

II.

Decreto triumpho Occursus maximus.

Non Magistratus, nec tribus obuia, aut Flamines in purpura.

Viri triumphales, cunctaq; nobilitas tantum;

sed occurrit Tibi O REX!

quicquid respiciam gentium est, quæ Christo nomina dedere;

& quibus Latium in fide Augustum.

Flaminis in Orbe Supremi,

Innocentii XI. Pontificis Max:

& Purpurati Ecclesiæ Senatus,

nisi Tibi paterent, nisi extra se prodirent viscera;

viscera Christianitatis non essent;

nec fidei haberent animam, & medullam;

quinimò sic Te ambiunt, sic Te depereunt;

ut iam non animent, ubi sunt; sed ubi amant;

nimirum in Te,

O Christianorum Exercituum anima!

actusque non signatus tantum, sed etiam exercitus;

qui Turcarum exercitio docuisti;

non ubiq; immani Encelado, Vastam animam esse.

Imperator Occidentis,

Augustissimus LEOPOLDUS,

K

quo

quo Te occurſu triumphan-
 tem exceperit;
 quàm in cor admiſerit profundè;
brachia illa, dulceſq; complexus, arcannum ſuum norint;
quo idioma Principum loquitur, maiestatem ſine pompa.
 Regum, Principum, Dynaſtarum Europæ,
 throni, & animi coronati, eunt Tibi obuiam;
 motu illo, graduq; quo Cæleſtia feruntur ab intelligentijs mota.
 ſatis eſt cogitare de Te,
 & intelligere, quantum pro re Chriſtiana egeris;
 & iam prona ſunt omnia, in venerationem Tui, & amorem;
 quæ Tu, etiam contra ſucceſſionem ſignorum ire permittis;
 vt liberè agant triumpho maximo;
 in quo ad Orbis frequentiam, & animorum occurſus,
 Porta Tibi triumphalis,
 Herculeo per Te robore, & tremore gentium,
 mota cardinibus ſuis,
 Otthomannica Porta.

III.

Montiũ, fluminum, Ciuitatum, Præliorum Simulachra.

Si Maſſiliam, Rhenum, Nilum, Rhodanum ex auro,
 & fatum ex ebore Cæſar;
 ſi centum triginta oppidorum, Scipio Aſiaticus,
 Specioſiſſima in triumpho ſimulachra,
 cùm inferret in Urbem; hauſiſſe oculos, & corda potuit;
 neſciente Roma, an cor ſibi in delicijs,
 & in gaudio publico ſupereſſet.

Tu certè Rex Auguſte,
 hauſiſti omnia, & in delicio publico,
 etiam ſpirituum cordis officinam obſignaviſti;
 vt nemo reſpiret, niſi in Te; nemo videre ambiat,
 niſi quod Tu viſendum, ſeculis omnibus exegiſti.

Aurum, ebor, gemmæ,
 Orbem propè deficerent;

Si Praxi-

Si Praxiteles, Phidias, Myron, gestorum Tuorum,
integris elaborata seculis prodigia,
Stupori publico darent.

Regem fluuiorum Danubium,
quem non vna Otthomannica cæde cruentasti;
Viennam Austriæ,
quam Minotauro Asiæ, offam propè ambesam eripuisti;
Montem S. LEOPOLDI;
ex cuius angustijs in aciem, bellator Augustus, prodijsti;
conflictum Viennensem, & Strygoniensem;
quo omnis aui certamina ad emulationem prouocasti,
Magnificentissima Tibi simulachra,
Orbis Christiani brachia supportant, & eo inferunt;
quò non intrant; nisi qui ante victoriam, vicere seipsos:
Eorum Tu portio maxima,
iuiisti contra sensus, & susurros tutiora suadentium.
& per calcata trepidantium simulachra,
meruisti; vt duceres in triumpho,
non montes Pompeij gemmeos; nec simulachra gentium,
argentum, & aurum, opus manuum hominum;
sed victoria Tue, opus sane diuinum;
quo factum est in vno Schemate Viennensi;
vna die ostensum, eadem oculis subductum,
Velum Timantis,
IMPERIVM Orientis.

IV.

Currus Aurei, & Argentei.

Falcatos currus in prælijs, ad excidia gentium,
mors exquisita inuenit;
cui non suffecerat metere capita gladijs,
figere pectora telis;
nisi inanimatas quoq; in vehiculis falces, rotis pernicibus,
humanas animasset in cades.
Cladibus hæc rotantur, & per atrociam decurrant;
sed currus aurei, & argentei,

qui triumphantium ritus augustos præcedunt,
felicitati publicæ seruiunt;
vt ex hoc effedo, intelligat Orbis;
Phaëtontes quidem, præcipitare in bellis mortem;
Soles imperiorum, per Zodiacum vitæ,
curru aureo vehi.
*Ex hoc metallo, triumphalem currum Tuum præcedunt,
pretiosa lucis tua vehicula,
rei Christianæ Serenissime splendor,
Rex Auguste IOANNES.
Non nauicula, sed currus aureus,
fortunam in Te Caesaris extulit, & produxit in Orbem;
tam coronatam, tam augustam;
ceu nunquam perichitata, supra omnem fati aleam stetisset.*
Religio, & salus publica,
per Te in campis Viennensibus triumphans,
Olympia Tua celebrabit æternum;
in quibus, Christianam quidem vestigijs aureis,
tramite cruento, Othomannicam sortem, sic rotasti;
vt circuitum gloriæ Tuæ,
sola non nisi definiat, sola cælis inferat;
quæ pro Te nunquam volui desinet,
Aurea seculorum,
& Gloriæ Rota.

V.

Spolia hostium, & Captiua arma.

Vorago Orbis in vna vrbe,
*nec satis emensum, Orientis & Occidentis profundum,
bellorum ingentia fecerant, victorijs coronata.*
Ad septem colles redactum fuerat,
quicquid vspiam, promiscuam gentium plebem,
coronatis fastigijs excessit.
cliuusq; Capitolinus non tam mole sua visendus;
quàm per acervos spoliiorum, in immensum assurgens,
etiam

*etiam sibi ipsi onerosum aliquando, productiq, ad fastidia imperij,
prodigiale extulerat caput.*

sed fuerit voragini huic, sitis inexplebilis;

Tibi mens augustissima,
manubias omnes, & spolia hostium,
in solo ponit Victoriæ fructu;
quo causa D E I triumphans, & barbaries triumphata,
Trophœum Tibi maximum surgit,

R E X I N V I C T E.

Deducta quidem ex toto Oriente,
vis immensa Otthomannicæ potentia;
*auri, argenti, & gemmarum pondere onusta;
armis, & spolijs inaudita; vindicatis ab hoste captiuis,
& captis hostibus numerosa;
castrorum situ, & apparatu, usq, ad horrorem extensa;
rei bellicæ neruo, vix non supra fidem instructa;*
cessit in spoliū Christianæ militiæ;
sed nihil in hostium catenis, dulcius Tibi insonuit;

quàm libera Vienna,

& Orbis Europæus sine compede, sine metu.

Castra sua fecerat Vezyrus,

Emporium Orbis;

ut si vinceret, egere spolijs non videretur;

si caderet, non caderet sine pompa.

Ecce cecidit, ante Arcam Dñi Exercituum,

totus quidem aureus Dagon;

sed totus in spolia comminutus;

ut alibi caput, alibi pedes, & manus,

in ictu oculi dùm soluuntur;

nosceret immane Orientis Idolum;

aliud esse veram Maiestatem,

& aliud Pompam.

VI.

Coronæ aureæ, à Prouincijs, & Ciuitatibus
dono missæ.

*Nulla iustius, inuictum caput, decora ambiunt;
quàm per mille discrimina, & cruentas mortes quasita,
sine ambitu coronæ.*

Pulcherrimæ olim apud Persas ex sagittis,
ante frontem spiculis ambientes, quàm gemmis;
vt cui densissima periculorum nubes incubuerat;
in eum, iustissima quoque gemmarum deplueret grando.

Triumphantium hæc coronamenta,
sæpius Victoribus Romanis dono missa,
emeritum fulgur in auro, ijs prætulerant;
quibus æreæ cassides, non vno ferri gemuere sub ictu.

Victricesque ex auro coronæ,
octingentæ interdum, & vsque ad duo millia aliquando,

Romæ in triumphis visæ,
certaverunt in vnus capitis honorem;
*non sufficiente quidẽ, tot simul ornamentis, triumphantium vertices,
sed virtute capaci;*

*quæ nunquam apud homines coronabitur in excessu;
cum quiduis mortale excedat, immortalium capacissima.*

Quidni ergo & Tuæ,

Regum fortissime,

bellorum ingentium capacissimæ virtuti,
coronarum ex auro ingens sit capacitas?

qui in conflictu Viennensi vicisti coronas;

quotquot illas Otthomannus,

tot Regnis, & Imperijs per Orientem decussas,

vnâ quasi, grauida potentie fasciâ ligat.

Quicquid ille per Asiam, Africam, Europam,

& per fragmenta tot imperiorum, & gentium;

indulgentiâ fortunæ congesserat;

vt Myriadas opum turpius relinqueret;

Tibi seruiunt ad coronas,

non

non dono missas ; sed augusti impendio sanguinis partas ;
vt qui fueras Christianitati, turris fortitudinis,
ex qua mille clypei pendent ;

fieres coronatum Europæ caput ;

cui non mille tantum, sed debentur
quot seruata animæ ;
tot Coronæ,

VII.

Victor Exercitus, cū donis triumphalibus.

Spectaculum Orbi nullum gratius ;
quam ante Imperatorem belli, copiarum militares,
spectatissimæ virtutis meritò coronatæ.

Alæ, Turmæ, Cohortes, Legiones,
pro Regum purpura, hostili murice tinctæ,
in conchylis Principum magnificentius rubent ;
quia pro ijs vulnera non erubescunt.

Coronæ Ciuicæ, Murales, Vallares, Obsidionales,
armillæ, torques, balthei,
& vniuersa Martis decora,

*Sanguine parantur, hiatu vulnerum, & anhelitu mortis ;
per quæ ad triumphos, quisquis non anhelat ;
herbam porrigit hosti, & molles vnguentarios olet.*

Victor Exercitus, deliciæ spectantium,

*antequàm ad hæc oblectamēta veniat ; sub incude mortis horridæ totæ,
Speciem, & gratiam non habet ; taboq, & sanie madet ;
vt speciosissimum Imperatoris sui antecedit triumphum.*

Hac Te Maiestate,

*in Capitolium gloriæ deducit,
militaribus coronis, & donis spectatissimus, Victor Exercitus Tuus,*

Inuictissime IOANNES.

Quidquid cordatissimæ animæ, & ex ipso viscere Martis natæ,
potuere vnquam in bellis ;
hoc ductu Tuo, & exemplo maximo,

in IABLONOVIIS, SIENIAVIIS, POTOCIIS, LUBOMIRSCIIS,
& aliis Heroibus Polonis,
virtus inaudita, vîq; ad stuporem expressit;
Marathonem, Leuctram, Mantinæam, Thermopylas
Et quidquid vîpiâ pugnacissimo ausu, Et gestis triûphalib; cælis;
seculis omnibus memoratum,
in vno opere absoluens; quod tam augustè, quàm gestum est,
vt in Orbem prodeat;
grâdis cogitatio, Et vix eluctabilis, etiâ sūmis ingeniis lucta restat;
quamuis tollant manum de tabula nunquam.
Gigantomachia olim, Centaurorumq; & Lapitharum pugna,
In Scuto Achillis, scitè admodùm expressa,
commentum fuerat, & prisçi seculi vmbra.
In CLYPEO Tuo ô REX! sub eoq; quod gestum,
Victoris Exercitus Tui, lux & veritas Tecum
sic reuelat;
vt quamuis in panegyres, & coronas militiæ,
Orbem totum euiscerari oporteret;
Dentati Sicinî, Mutii, Decii, Scæuæ,
adhuc nec donati ex aquò, nec triumphalibus laureis
coronati ex toto superessent,
maximo omnium, & augustissimo triumpho;
quod sub Te Bellatore, triumphales militantium animæ,
excessu virtutis, & gloriæ,
decora omnia supergressæ, potuerint in summo,
ipsam etiam Victoriâ

Vicisse.

VIII.

Ipse tandem triumphans, curru aurato sublimis,
Cæteris augustior, & Magnificentior, coronatus in Purpura,
speciosissimum claudit triumphum

Serenissimus, & Inuictissimus

IOANNES.

Hûc oculi Orbis, hûc pupillæ omnes,
corporum, & animorum conuolate;

specta

Spectaculo vestro, an delicio?
 vtrumq; certè habituræ,
 in Augustissimo Triumphatore
 Serenissimo IOANNE;
 qui curru iam triumphali inuectus,
 magnificentissimi Operis,
 Portas triumphales subintrat.
 Argi omnes centoculi,
ô animi plaudentium, & occurrentium esote!
quantò profundius in hanc maiestatem ituri;
 tantò experturi magis iubar insolitum,
 quod in hoc vultu renidet;
 cui Dominus addidit gratiam; ut triumpharet
 rei Christianæ, & omnium in Europa animorum,
 gratia, delictum, triumphus.
 Purpura illi quidem cruenta;
 sed tantò augustior; quod confessione virtutis exprimat,
 Orientis ruborem;
parata etiam proprio sanguine tingi; nisi aliter,
effrons in Otthomanno fastus, ad probra sua erubuisset.
 Currus illi Triumphalis,
 non Numidicos Leones, non Elephantos ab Indis iungit;
 nec immanes Sesostris, aut Tygranis habenas;
 quæ Reges, ad nefandos currus, fecêre iugales,
 ritu barbaro ostentat;
sed trahitur dulcedine tota, brachiisq; supportantium,
 onus augustum quidem, sed suauissimum;
 cui quadrigas niue purissima lauit,
 intaminatus sincerissimæ lætitiæ candor.
 Ponè captiui nobiles, & Duces hostium vincti;
 Magnus quidem Vezyrus, non vinculis, sed animo captus,
 Vespillo ille magni ad Viennam cadaueris,
 Polyphemusq; Thracum, seruatus dedecori suo;
ut molam continuo Sisyphus verset; sædoq; vulturi supersit,
novum semper ad vulnera iecur.
 Sed hæc pro eo, Otthomannica seruitia,

copiarum Duces, Præfecti Prouinciarum,
Cohortium Prætorianarum Tribuni,
pars cæsi, pars in vincula ducti;
quorum indomitam barbariem, Principis clementia vicit;
ut iam non pudeat sic captiuari;
ubi vel ipsa captiuitas, sub tanto Victore, est triumphus.

Ita certè

coronatus in purpura,
curru Tuo triumphali, dùm proueheris
Serenissime IOANNES;
ut candida apud Tuos niteant omnia,
etiam in hostibus non pateris cruenta.
iamq; classica in celeusmata, buccinas in cytharas vertens,
audiris in Orbe, dulcis tot gentium harmonia,
& vnus omnium concentus.

Spargunt Tibi per Sacram viam,
quæ Te ad Vauelanium Capitolium ducit,
deciduos populi flores,
accendunt thymiamata, Sabæorum myrothecia fundunt;
omnia prisco ritu maiora;
nam & Tu, cum rarissimis aut illius comparandus;
inter odoratissimam immortalis glorie suauolentiam,
factus es Bellatorum seculi nostri

P H O E N I X.

Sed Coronam triumphalem,
ut iam in gremio Iouis Capitolini deponas,
mos triumphantium vrget,
Ecce Imperij Christiani Stator;
regnans, & triumphans à ligno Crucis DEVS;
ecce Sacratissima vulnerum eius Cella!
gremium utiq; pro Corona Tua augustissimum;
in quo ut auspicia belli cœperas;
sic & prosperos euentus depone, & consigna.

Hoc Tibi gremium,
mille osculis deuotissimis aperuit,
Serenissima MARIA CASIMIRA,

Conso-

Confors Tua Augusta,
& pugnante contra Maxentios Constantino,
verè seculi nostri Helena;
toto hoc tempore, quo inter horrida Martis egeras,
non alibi dulcius versata;
quàm inter sentes horridos spinarum, & lanceam Christi;
ubi vigilavit ad ostium amoris eius, in vulnere cordis;
ne Religionis, & Ecclesiæ causa,
in Te Orbis Christiani corculo,
fieret vulnerata.

Fuerit ergò Roma, post depositam in gremio Iouis coronam,
datum ad hilaria Urbis, & publicè instructum
Epulum magnificentissimum.

duobus & viginti millibus tricliniorum aliquando,
a Iulio Cesare appositum:

Tu Orbis Christiani mensa deliciarum,
gustus maximus, & vniuersa voluptas;
qui exundante lætitia animos impleuisti;
& factus es omnibus in nectar, & ambrosiam;
cùm epulo Orthomannicus, per Te ad Viennam, & Strygonium,
sinapi momordit;

glutiitq; saluam, cùm amiserit offam.

Ita Tibi, & aurum Coronarium,
Triumphantibus deferri solitum,
etiam cum ipsis, aureis mentium donamus fodinis;
diemq; tantæ Victoria, auro incidimq; ut sacra deinceps, & memo-
Virtutem dexteræ excelsi, quæ tecum fuerat, [rabilis,
seculis omnibus loquatur.

Hic inter arcus triumphales,
Septizonia, Colossos, Obeliscos,
Supremus triumphantium honos
Statua,

concludit Augustale Triumphus Tui;
non ære Corinthiaco, sed metallo Principe fusa;
cui decretus in Orbe locus;

vbi totus infastigio Europæ oculus,
rapitur in vnum; quia specie humana maiorem;
nempe Hominem a DEO missum;
ut gentibus, quæ os suum in Calo posuerant,
in specie Columba ostenderet ad Viennam,
vbi DEVS.

qui in hoc Aureæ monumento Statuæ,
coram Orbe attonito, stabit dulce, & perenne spectaculum;
Victoria inaudita, exemplum sine exemplo;
dicendorum de se,

panegyris, & Silentium;
Scutum, & antemurale Christianitatis;
gemitus Orientis,
Occidentis Triumphus;
vel hoc ipso Regum Maximus;
quod etiam Coronati Capitis sui discrimine,
minui potius optauerit;
quam Christum non crescere

I O A N N E S.



